

Član 3.

Jugoslovenski standard iz člana 1. ovog pravilnika obavezan je u cjelini, a primjenjivaće se na nikl i legure nikla koji se proizvode, odnosno uvezu od dana stupanja na snagu ovog pravilnika.

Član 4.

Ovaj pravilnik stupa na snagu nakon isteka dva mjeseca od dana objavljivanja u „Službenom listu SFRJ“.

Br. 07-93/103
7. maja 1987. godine
Beograd

Direktor
Saveznog zavoda za
standardizaciju
Vahida Dragović, s. r.

649.

Na osnovu člana 56. st. 1. do 4. i člana 58. stav 3. Zakona o standardizaciji („Službeni list SFRJ“, br. 38/77 i 11/80), direktor Saveznog zavoda za standardizaciju izdaje

NAREDBU**O OBAVEZNOJ ATESTIRANJU HIDROIZOLACIONIH MATERIJALA IMPREGNISANIH BITUMENOM I BITUMENSKIH TRAKA**

1. Obavezno atestiranje podliježu sljedeći hidroizolacioni materijali impregnirani bitumenom i bitumenske trake (u nastavku teksta: proizvodi), i to:

- 1) bitumenski krovni karton - jugoslovenski standard JUS U.M3. 232;
- 2) bitumenizirani perforirani stakleni voal - jugoslovenski standard JUS U.M3.248;
- 3) bitumenska traka sa uloškom od sirovog kartona - jugoslovenski standard JUS U.M3.226;
- 4) bitumenska traka sa uloškom od aluminijumske folije - jugoslovenski standard JUS U.M3.230;
- 5) bitumenska traka sa uloškom od staklenog voala - jugoslovenski standard JUS. U.M3.231;
- 6) bitumenska traka od staklene tkanine - jugoslovenski standard JUS U.M3. 234.

2. Obavezno atestiranje proizvoda iz tačke 1. ove naredbe sprovodi se na sljedeći način:

- 1) za proizvode iz domaće proizvodnje atestira se tip hidroizolacionog materijala impregnisanog bitumenom i bitumenske trake, uz kontrolu saobraznosti hidroizolacionog materijala impregnisanog bitumenom i bitumenske trake atestiranom tipu, koja se vrši na uzorcima uzetim kod proizvođača;
- 2) za proizvode iz uvoza atestira se tip hidroizolacionog materijala impregnisanog bitumenom i bitumenske trake istog porijekla, uz kontrolu saobraznosti proizvoda iz svake partije isporuke istog tipa i porijekla atestiranom tipu, na uzorcima uzetim iz skladišta organizacije koja te proizvode stavlja u promet.

Tip hidroizolacionog materijala impregnisanog bitumenom i bitumenske trake utvrđen je oznakom hidroizolacionog materijala impregnisanog bitumenom i bitumenske trake.

3. Ispitivanju za obavezno atestiranje tipa proizvoda iz tačke 1. ove naredbe podliježu sljedeće karakteristike kvaliteta hidroizolacionog materijala impregnisanog bitumenom i bitumenske trake:

- 1) spoljni izgled;
- 2) sadržaj veziva i mase uloška;
- 3) postojanost na hladnoću;
- 4) postojanost na toplotu;
- 5) vodonepropustljivost;
- 6) prekidna sila i izduženje.

4. Vrijednosti karakteristika kvaliteta koje podliježu ispitivanju tipa proizvoda iz tačke 1. ove naredbe za obavezno atestiranje, utvrđene su u sljedećim jugoslovenskim standardima:

1) jugoslovenskom standardu JUS U.M3.232 - Bitumenski krovni karton. Uslovi kvaliteta;

2) jugoslovenskom standardu JUS U.M3.248 - Bitumenizirani perforirani stakleni voal. Uslovi kvaliteta;

3) jugoslovenskom standardu JUS U.M3.226 - Bitumenska traka sa uloškom od sirovog kartona. Uslovi kvaliteta;

4) jugoslovenskom standardu JUS U.M3.230 - Bitumenska traka sa uloškom od aluminijumske folije. Uslovi kvaliteta;

5) jugoslovenskom standardu JUS U.M3.231 - Bitumenska traka sa uloškom od staklenog voala;

6) jugoslovenskom standardu JUS U.M3.234 - Bitumenska traka od staklene tkanine. Uslovi kvaliteta.

5. Karakteristike kvaliteta proizvoda iz tačke 1. ove naredbe ispituju se na način utvrđen u jugoslovenskim standardima, i to:

1) jugoslovenskom standardu JUS U.M8. 225 - Materijali impregnirani bitumenom. Metode ispitivanja;

2) jugoslovenskom standardu JUS U.M8.080 - Bitumenske trake za hidroizolacije. Metode ispitivanja.

6. Uzorke za ispitivanje tipa proizvoda iz tačke 1. ove naredbe, radi obaveznog atestiranja, uzima organizacija ovlaštena za obavezno atestiranje, i to:

1) za domaće proizvode - iz skladišta gotovih proizvoda kod proizvođača;

2) za proizvode iz uvoza - iz skladišta organizacije udruženog rada koja te proizvode stavlja u promet.

Ovlaštena organizacija uzima najmanje tri uzorka od svake vrste materijala.

O uzimanju uzoraka sastavlja se zapisnik, koji sadrži sljedeće podatke:

1) firmu, odnosno naziv i sjedište proizvođača (uvoznika);

2) oznaku hidroizolacionog materijala impregnisanog bitumenom i bitumenske trake;

3) broj uzoraka;

4) datum izrade uzetih uzoraka;

5) oznaku partije;

6) mjesto i datum uzimanja uzoraka.

Zapisnik o uzimanju uzoraka potpisuju predstavnici proizvođača (uvoznika) i organizacije udruženog rada ovlaštene za obavezno atestiranje.

7. Izvještaj o ispitivanju za obavezno atestiranje proizvoda iz tačke 1. ove naredbe sadrži:

1) podatke o proizvodu (tip proizvoda, oznaku i datume proizvodnje, partiju ispitanih uzoraka);

2) podatke o proizvođaču (uvozniku);

3) datum uzimanja uzoraka;

4) datum početka i datum završetka svih ispitivanja;

5) podatke o jugoslovenskim standardima prema kojima je obavljeno ispitivanje;

6) rezultate ispitivanja;

7) zaključak sa obrazloženjem;

8) mjesto i datum izdavanja izvještaja o ispitivanju;

9) naziv i sjedište organizacije udruženog rada ovlaštene za obavezno atestiranje;

10) broj rješenja o ovlaštivanju i datum izdavanja ovlaštenja.

Izvještaj o ispitivanju za obavezno atestiranje mora biti ovjeren potpisom ovlaštenog radnika i pečatom organizacije udruženog rada ovlaštene za obavezno atestiranje.

8. Za proizvode iz tačke 1. ove naredbe za koje se ispitivanjem utvrdi da ispunjavaju propisane uslove, organizacija udruženog rada ovlaštena za obavezno atestiranje izdaje atest, uz koji prilaže izvještaj o ispitivanju.

Ako organizacija udruženog rada ovlaštena za obavezno atestiranje utvrdi da bilo koji rezultat ispitivanja ne zadovoljava karakteristike kvaliteta propisane u tački 4. ove naredbe, ona pristupa ponovnom ispitivanju hidroizolacionog materijala impregnisanog bitumenom i bitumenske trake na taj način što uzima dvostruki broj uzoraka iz iste partije.

Ako organizacija udruženog rada ovlaštena za obavezno atestiranje, na naknadno uzetim uzorcima iz iste partije, utvrdi da svi rezultati ispitivanja zadovoljavaju karakteristike kvaliteta propisane u tački 4. ove naredbe, izdaje atest uz koji prilaže izvještaj o ispitivanju.

Atest i izvještaj o ispitivanju izdaju se u tri primjerka, od kojih se jedan dostavlja podnosiocu zahtjeva za atestiranje,

drugi Saveznom zavodu za standardizaciju, a treći zadržava organizacija udruženog rada ovlaštena za obavezno atestiranje.

Za proizvode iz tačke 1. ove naredbe rok važenja atesta o tipu je tri godine.

Promjene konstrukcije, materijala i proizvodnog postupka koji utiču na saobraznost proizvoda atestiranom tipu moraju se prijaviti organizaciji ovlaštenoj za obavezno atestiranje, a proizvod se mora ponovo atestirati.

9. Proizvode iz tačke 1. ove naredbe za koje je izdat atest o tipu, proizvođač, odnosno uvoznik označava atestnim znakom.

Označavanje proizvoda iz tačke 1. ove naredbe obavlja se na oмотima svakog svitka, na način utvrđen Naredbom o izgledu i upotrebi atestnog znaka („Službeni list SFRJ”, br. 4/79 i 31/81).

Ispod atestnog znaka upisuju se slovna i broječna oznaka. Slovna oznaka se odnosi na grupu i podgrupu jugoslovenskih standarda kojima pripadaju proizvodi iz tačke 1. ove naredbe (UM), a broječna oznaka predstavlja šifru organizacije udruženog rada ovlaštene za obavezno atestiranje.

10. Kontrola saobraznosti proizvoda iz tačke 1. ove naredbe obavlja se na sljedeći način:

1) za proizvode iz domaće proizvodnje kontrola saobraznosti obavlja se svake godine;

2) za proizvode iz uvoza kontrola saobraznosti obavlja se za svaku partiju isporuke istog tipa i porijekla.

Kontrolom saobraznosti ispituju se sljedeće karakteristike kvaliteta:

- 1) spoljni izgled;
- 2) sadržaj veziva i mase uloška;
- 3) postojanost na hladnoću;
- 4) postojanost na toplotu;
- 5) vodonepropustljivost;
- 6) prekidna sila i izduženje.

Vrijednosti karakteristika iz stava 2. ove tačke, metode ispitivanja i postupak uzimanja uzoraka utvrđeni su u tač. 4. do 6. ove naredbe.

Proizvodi iz tačke 1. ove naredbe saobrazni su atestiranom tipu proizvoda ako rezultati ispitivanja odgovaraju vrijednostima navedenim u tački 4. ove naredbe.

Ako je bilo koji rezultat ispitivanja negativan, ispitivanje se ponavlja na dvostrukom broju uzoraka iz iste partije.

Ako rezultati ispitivanja na naknadno uzetim uzorcima iz iste partije ne odgovaraju vrijednostima navedenim u tački 4. ove naredbe, organizacija udruženog rada ovlaštena za atestiranje, o tome, uz obrazloženje, obavještava proizvođača i Savezni zavod za standardizaciju radi povlačenja atesta.

Rezultati ispitivanja prilikom kontrole saobraznosti unoše se u izvještaj o ispitivanju prema tački 7. ove naredbe. Ovlaštena organizacija izdaje izvještaj u tri primjeka, od kojih jedan dostavlja podnosiocu zahtjeva za atestiranje, drugi Saveznom zavodu za standardizaciju, a treći zadržava organizacija udruženog rada ovlaštena za obavezno atestiranje.

11. Za atestiranje proizvoda iz tačke 1. ove naredbe može se ovlastiti organizacija udruženog rada koja, pored uslova iz člana 60. Zakona o standardizaciji, u pogledu opremljenosti i stručnih kvalifikacija kadrova ispunjava posebne uslove:

- a) da raspolaze sljedećom opremom, i to:
 - 1) Sokslet-aparatom sa Šilovom čahurom br. 603 ili centrifugom sa kivetom;
 - 2) eksiometrom;
 - 3) vagom, sa tačnošću od 0,01 g;
 - 4) rashladnom komorom, sa mogućnošću održavanja temperature od $0 \pm 0,5$ °C;
 - 5) metalnim modelom, prema jugoslovenskom standardu JUS U.M8.225;
 - 6) sekundomjerom;
 - 7) laboratorijskim sitom, veličine otvora 0,09 mm;
 - 8) sušnicom, sa mogućnošću održavanja temperature od 105 ± 5 °C;
 - 9) kidalicom, sa brzinom kidanja od 40 mm/min;
 - 10) aparatom za ispitivanje vodonepropustljivosti, prema jugoslovenskom standardu JUS U.M8.080;
- b) da za poslove obaveznog atestiranja ima radnike sa sljedećim stručnim kvalifikacijama i radnim iskustvom:

1) ako je u pitanju radnik koji rukovodi ispitivanjima – diplomiranog inženjera građevinarstva, ili diplomiranog inženjera tehnologije ili diplomiranog inženjera hemije, sa naj-

manje deset godina radnog iskustva na poslovima ispitivanja građevinskog materijala;

2) ako su u pitanju stručni radnici:

– diplomiranog inženjera građevinarstva, ili diplomiranog inženjera tehnologije ili diplomiranog inženjera hemije sa najmanje pet godina radnog iskustva na poslovima ispitivanja građevinskog materijala;

– tehničara građevinske ili hemijske struke;

– laboranta.

12. Organizacija udruženog rada ovlaštena za obavezno atestiranje proizvoda iz tačke 1. ove naredbe dužna je da izvrši atestiranje u roku od 15 dana od dana uzimanja uzoraka za atestiranje.

13. Ova naredba stupa na snagu po isteku šest mjeseci od dana objavljivanja u „Službenom listu SFRJ”.

Br. 07-93/115

13. maja 1987. godine
Beograd.

Direktor
Saveznog zavoda za
standardizaciju
Vukašin Dragojević, s. r.

650.

Na osnovu člana 52. tač. 1. i 2. Zakona o zaštiti životinja od zaraznih bolesti koje ugrožavaju cijelu zemlju („Službeni list SFRJ”, br. 43/86), predsjednik Saveznog komiteta za poljoprivredu izdaje

NAREDBU

O IZMJENI NAREDBE O STAVLJANJU GRANICE SOCIJALISTIČKE FEDERATIVNE REPUBLIKE JUGOSLAVIJE PREMA REPUBLICI ITALIJI POD STALNI VETERINARSKI NADZOR I SPROVOĐENJU POJEDINIH MJERA U GRANIČNIM OPŠTINAMA RADI SPREČAVANJA UNOŠENJA I ŠIRENJA ZARAZNE BOLESTI SLINAVKE I ŠAPA

1. U Naredbi o stavljanju granice Socijalističke Federativne Republike Jugoslavije prema Republici Italiji pod stalni veterinarski nadzor i sprovođenje pojedinih mjera u graničnim opštinama radi sprečavanja unošenja i širenja zarazne bolesti slinavke i šapa („Službeni list SFRJ”, br. 51/86, 56/86 i 61/86) u tački 1. odredba pod 2. mijenja se i glasi:

„2) zabranjuje se unošenje u Socijalističku Federativnu Republiku Jugoslaviju iz Republike Italije proizvoda i sirovina porijeklom od papkara, osim termički obrađenih konzervi, termički obrađenog masnog tkiva, vune prane u alkalnom vodenom rastvoru pri vrijednosti PH10, uz dodatak Na₂CO₃ u količini od 1,5 - 2g na litar i sušene u vazdušnoj struji pri temperaturi od 80 °C i sirovih koža, pod uslovom da kože potiču od životinja koje nisu zaražene slinavkom i šapom, da u opštini porijekla koža i susjednim opštinama nije utvrđen ni jedan slučaj oboljenja od slinavke i šapa u posljednja tri mjeseca i da su kože tretirane morskom solju i kalciniranom sodom u trajanju od 30 dana;”.

2. Ova naredba stupa na snagu narednog dana od dana objavljivanja u „Službenom listu SFRJ”.

Br. 6384/4

8. jula 1987. godine
Beograd

Zamjenik predsjednika
mr Tome Kuzmanovski, s. r.